

La stria Julscha dil Duritg

Autor(en): **Giger, Hubert**

Objekttyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **74 (1989)**

Heft 1

PDF erstellt am: **22.07.2024**

Persistenter Link: <https://doi.org/10.5169/seals-881914>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

L S U T R I A
 J U L S C H A A L
 D U R I T G

H U B E R T G I G E R

In suentermiezdi freid da brentina (forsa è bialaura tocca sum, cuolms sipersi etc.), ils II d'october anno 1652. La stria Julscha dil Duritg da Siat vegn menada viado sil plaz che senumna «Walstatt» (en quei liug vegnan delinquents liquidai). Dus umens tegnan Julscha. La tortura ha spossau la femna. Ella pudess buca star pli sin peis. Ils dus dalla cumpignia da mats sehonan in quex da lur uffeci. Tener ina stria! Sch'il plevon vess buca dau la benedicziun, ves-sen els mai e pli mai tuccau en ina femna che sa far striegn.

Ina fuola glieud suonda sin distanza. Ins sa mai. La stria savess aunc scungirar mintgin cun battaclanc e tut dallas raveras giuaden (sco ella ha fatg cun tiers). Aber Julscha aulza strusch il tgau. Il scharfrichter ha prestau lavur entira. Julscha ha la finala — iu eisi tschun dis — confessau rubas e strubas. Ch'ella seigi ina stria, ch'ella hagi fatg per camond al nauschaspert. Quel hagi

«... von ihren begert, sey solle ihme dienen, und sey ihme zu willen worden».

Aschia stat ei secret el protocol. Denter la fuola che accumpogna la stria da Siat se-



sanfla il Giachen dil Curdin. Aunc adina eis el diltuttafatg cul burriu ano. Guess, la stria ei vegnida sentenziada alla mort (naven da quei mument ha il striegn giu negina forza pli). La malsogna denton mudregia pir che zacu. Extra era el staus giu Cuera tiel docter. La diagnosa: El hagi saung encugliau. Tgunsch vegni la mort a spluntar mintga mument, la mort!

«..., dz er mege nit leben, denn dz sige von bösen leüth gemacht worden...»


Il Giachen ha saviu immediat. La stria ha fatg vegnir malsauns el. Pertgei grad cu el eeturnaus dal docter, era Julscha en stiva. E detg ha ella nuot, la stria, ni hau ni mau. Semplamein ida giuado!

«... und nichts gesagt, weder guten tag noch behüet euch Gott...»

Sch'el vess forsa buc emristau il tarden... Las medischinas han gidau nuot, meins che nuot! Il Giachen ei ius tiel spiritual a schar dar la benedicziun. Exorcissem ei meglier che etgs! Ton sa il Giachen: La Julscha ei ina stria. Detg ha el quei en fatscha ad ella:

«Uf demme hat er ein mal zu ihren «du hex» gesagt.»

Las dunnauns e mattauns han curclau las fatschas cun in fazalet da tgau. Sche la stria mirass a zatgi els egl... Striunaus per veta duronta! Beinenqualina fa meinsvart la sontga crusch. Segner, exauda miu riug. Ellas hagien giu da sescagnar ina cun l'autra, Julscha dil Duritg e l'Urschla dil Willy: «... haben mit einanderen bekrieget uf guuter threw vor 6 jahr wegen ein thier...»



L'Urschla dil Willy ei stada a casa. Ei seigi schi sgarscheivel, in carstgaun senza tgau (ha Nesa Sallamann da Vuorz, ch'ei vegnida bandischada 1652 sco stria, maniau). Las sferdurs dil dies giu han tunschiu.

Julscha veva smanatschau ch'ella vegni a far magliar o:

«Uf langst oder khurtz wil ich euch der lohn geben...»

E la stria ei sinquei cumparida sin eschnuegl e dumandau sch'ella, l'Urschla, hagi buca viu in tschut. L'Urschla («da buna fei sco jeu sun») di «gie». La consequenza: Dus ni treis dis sissu ei ina mugia crapada.

Johann Berther accumpogna il til sco scarvon en num dalla Casa da Diu da Mustér.

El ei quel che scriva ils protocols sur dallas strias e dils striuns, quel che noda quei che vegn tgisau ed ils confess dils accusai. Igl avat tarmetta quater derschaders a Vuorz per assister alla dertgira criminala. En tut serimnan (tenor cass ed onn) denter 15 e 20 derschaders dalla vischnaunca da dertgira Vuorz (culs vischinadis Andiast, Schlans, Siat, Pigniu e Rueun) per tractar in cass da striegn. Il president communal da Vuorz meina la dertgira, cau-derschader ei il mistral dalla Cadi.

Il mistral Duig da Thuor enconuscha negina remischun. El combat encunter il schliet astga ei dar mo in victur: «il ludeivel oberkheit».

1675 noda Duig da Thuor en siu cudisch da notizias ch'el hagi schau truar alla mort otg strias si Mustér; siu fegl Caspar, al qual el surdat la mistralia aunc il medem onn, hagi schau menar 20 strias dalla Cadi viaido sil plac d'execuziun.

Il Gieri dil Curau va el tact. El ei il tambur da vischnaunca. Zaco eis el satisfatgs. La stria vegn castigada. Ver la curascha da dir ad el grad agraden che siu pop semegli buc el!

Il protocol resda: Julscha pren il pop e metta enzatgei ella fascha. E la stria tuorna a dir: Igl ei buca bi, sch'in affon semeglia buc il bab.

«Es ist nit hüpsch, wann ein khindt gleicht nit denn vatter.»

Zacherlondas. La stria ei grad ord casa, che la dunna dil Gieri vul dar latg al pop. Quel tetta nuot diltut, aber sgrefla incontin. Gieri e sia dunna raquentan l'entira caussa al pader Diudat. Quei «enzatgei»

Las olmas dallas strias e dils striuns anflan buca ruaus, tochen sil di dad oz. Sil Crap da Puoz sur Ruschein, giu Bual sut Lumbrein e si l'alp da Caschlè en Tujetsch stattan ei si da leger, fan barlit e barlot tochen la damaun marvegl.



che Julscha ha giu mess ella fascha anflan els, ed il pader brischa ei.

Buca mo il pop dil Gieri ei vegnius tuccaus da striegn, era ina feglia. Ella ei stada malsavanaugh. Il spiritual ha declarau che quella malsogna derivi da nauscha glieud:

«... und gesagt, es von bössen leüthen an thun ...»

La Greta dil Mulin ha priu palmas benedidas cun ella.

La mulinera dat perdetga. Julscha hagi mulau segal e silsuenter eri il mulin strien aus:

«... hat der mülly mit khein lieb nit wollen gehen, und nichts khönnen sehen, dz nit recht seige ...»

E continuescha la Greta ch'ella hagi sezza cumprau e pagau il mulin, quei mulin che stuessi ir cun agid da Diu.

«In deme habe es ein klapf thun und ist strags gangen, aber nit wie ander mal, und seige ein nebel oder rauch und böse tampf in der mülly kommen. Hat auch die glaub gehabt sey (=Julscha) seige schuldig.»

Pia: In clapf hai dau e vegniu o sei tampf e fem e neblas...



Endira derschalet
il Paster Grond,
pertgei mitschar
hal schau
L'AMUR
tras la ruosna dalla clav.
Snarius
ei Paster Petschen
en fatscha
al neidi sein,
— numdallasontga —

In'autra ga mola Julscha dil Duritg, ed ina femna sa lura buca duvrar pli il mulin, pertgei enstagl da graun mulau vegn ei o zatgei sco tschendra. La Greta e siu um prendan sinquei dapart il mulin.

«Und dazwüschen befinden 2. oder 3. ku-gely gleich nuss einer krieglen. Und sein man sellig habe nit mögen brechen mit ei-ner axss. Und thu haben sey ins für ge-worffen, und noch deme hats aber mallen wol gemallet.»

Priu ha gl'um — Dieus hagi si'olma — priu la segir e dau sco da plover. Mo envan eisi stau. Pér il fiug ha dumignau las ruclas... Dunna Crispina sehon da nuot, ni dad ir cheu en colonna sco dad ir en processiun (aber las marveglias han catschau) ni da

stuer cumparer avon il scarvon, sco tschei di. Tgei che Julscha hagi fatg tier ella? La fi-nala ha dunna Crispina raquintau, che Jul-scha seigi stada tier ella a casa duront ch'ella preparava la suppa pils luvrers. E la stria seigi ida sulla suppa vi cul maun, «... und über ein wenig sige die schissel sich kert und die suppen verschüt, und aber der schissel selbste reht kert ohne ander metel...»

Quei stoppi esser striegn!

La cuppa da suppa sederscha e sevolva endretg da sesezza puspei?

Maunca aunc la davosa perdetga dil pro-tocol, il Giachen Fendrich, bandierel dalla dertgira. El raquenta al scarvon dil temps ch'el hagi piars massa biestga. Exact da



La stria Anna Jon Donau sgulava al sault «senza scussal, cun in fazalet entuorn culiez, senza libli (blutta), cun cavels sligai (nota: Tochen viaden en nies temps stuevan ils cavels vegni zuppai sut in fazalet da tgau).

Al sault sgulavan las strias ed ils striuns dalla Surselva per ordinari sin in fest, mintgaton era sin in cavagl ni sin in buc ner, ni schizun si dies al giavel.

Ei vegneva fatg gronda fiasta, magliau spisas che'vevan «negina forza» e saltau cun si mascras. Il liug dil barlot sesanflava datier dil vitg, si mises ni si d'alp.

Alla fin cumandava il nauschaspert a ses agents da far donn als carstgauns ed alla biestga. Obligaziun dils derschaders: Veginr sissu dad ina stria ni dad in striun tgi che fuva tut al barlot.



La damonda el «Hexenhammer» dils 1486, la bibla dils catschadurs da strias, ei, schebein tuts ein periclitai da striegn, Risposta:

«Drei Arten von Menschen sind von Gott so begnadet, dass ihnen jenes scheussliche Geschlecht mit seinen Hexereien nichts anhaben kann: und zwar sind es erstens diejenigen, welche die öffentliche Gerichtsbarkeit gegen die Hexen üben oder durch irgend ein öffentliches Amt gegen sie wirken; zweitens, die nach den gehaltenen und heiligen Bräuchen, wie durch Besprengen mit Weihwasser, durch das Nehmen des geheiligen Salzes oder durch die am Tage der Reinigung geweihten Kerzen und durch den erlaubten Gebrauch der am Palmsonntage geweihten Zweige sich schützen, (womit die Kirche exorzisiert), um die Macht des Dämonen zu schwächen, ...; drittens diejenigen, welche durch die heiligen Engel auf verschiedene und unzählige Arten begnadet sind.»


Quei plaidis dils dominicans Jakob Sprenger e Heinrich Institoris.

quei temps seigi Julscha veginida en sia casa. El e siu frar erien vilai ed hagien preten- diu ch'ella seigi ina stria. Julscha seigi ida dad esch-stiva o senza dir in plaid.

Plinavon stat aunc scret sur da Julscha dil Duritg:

— Ch'ella seigi stada — tenor la denun- ziajun dad otras strias — al sault, al bar- lot.

— Ch'ella hagi fatg neiver e dar garniala: «..., dz sey seige in der glätzer gewest in Denter Auas mit mer gesellschaft ...»



La femna, che fagieva dar garnialla si Surcrapp.

In onn vevan ils de Siath in starle de Ruschein en lur alp. Quel rabbitschava ina sera si «Surcrapp» ils stiarls. Cheu ves'el mond ina femna da leu si encunter il crap de Tschagugliuns. El crei, che quella seigi sepiarsa e damonda, nua ella vegli ira. Mo ella dat negina risposta e va vinavon. Cu l'ei stada si sper quei crapp, sche aulza ella si la schuba entuorn, entuorn et ei entscheiva sin- quei e dar garnialla enzatgei sgarscheivel.

(Chrestomazia II, 142)

Ils derschaders van ordavon al til. Beinen- qualin ei loschs da ver adempliu sia obliga- ziun. Puspei inaga ha «quel dalla tegia sut» stuiu ceder. Dies irae, dies illae. E sco cli- sché: La veta ei in cumbat.

«Erstlich bekent Julscha dilg Durig in und noch der marter, dz sey habe bösse ge- denckhen gehabt. In deme seige der böse geist zu ihren khomen in gstalt einer hüpsch man mit grien bekleidet.»

Cun quels plaids entscheiva il confess dal- la stria.

Il bi um vestgius en verd camonda che Jul- scha stoppi survir ad el, snegar Diu, la sontga Trinitad, Nossadunna, il sogn Bat- ten e tut ils sogns. Julscha fa quei ch'il «nau- schaspért» vul. Ella retscheiva in fest per sguar al sault dallas strias ed in etg per far donn a carstgauns ed animals.

Pliras gadas ha ella giu «cuminanza» cun

siu «buol», siu muronz, che eri da «natira freida».

Alla sanadad dalla glieud ha ella fatg donn entras caussas nunnaturalas («vilerley un naturliche sachen») e fatg ir surengiu biestga.


A Pischleras e Breil eis ella stada al barlot.



Fai sc'in bov:
in sin nov,
dus lai far,
treis sto star,
quater po naven.
Sche tegn endamen:
Or da tschun e sis
(dalla stria igl avis)
fai siat ed otg,
lu ei tut cotg.
E nov ei in,
diesch a negin.
Quei ei dalla stria
igl inagain.



Encunter Julscha dil Duritg vegn decidiu, «..., dz man ihren sein verdienten stroff gebe, es seige an leib, ehr und guot.» Pro forma: Ils defensurs (procuratur: derschader Giusep Paul ed ugau Marty da Capol en num dil president da vischnaunca Giusep Siewj) vevan declarau en num da Julscha, ch'ella quenti da aver commess negins malfatgs. Il «liug dalla verdad» («orth der wörheit»), quei vul dir il liug da tortura, ha purtau ils mussaments ch'ils derschaders vulevan, numnadamein il confess dalla stria.



Il nausch devi fridas, sch'ella
fagevi buc obedientscha.

Sentenzia

«Ist ... her richter sambt seinen he. bey richteren und gantz gericht zu Waltenspurg an gwonlichen ort und platz sich verfüegt, und nach klag und antwort, redt und widerredt, nach verhörung fromer leithen (=Leute) und die bekantnuss dess arm mensch, mit ein heilliger urtel (=Urteil) erkhet ist, dz dz arm mensch solle durch befeln dess weisen herrn richter sambt seinen h. bey richteren den scharf richter über antwortet, welcher sol dz arme mensch in guoter sorg in sei-

nen handen und banden versorgen, und durch ofne strass hinauss fieren biss zum walstat. Aldo iho durch den schwert von leben zum thot enthaubtete, alss dz ein wagn rath (=Wagenrad) zwischent iho leib und haubt gehn möge, und alss dann dz leib zu eschen und staub verbrennen und die eschen (=Asche) vergraben.»
(Il scharfrichter ha mess ina roda denter tgau e tgierp, per ch'e mondi pli tgunsch da tagliar giu il tgau).

La stria Julscha dil Duritg da Siat ei vegnida scavazzada ils II d'october 1652.